

An Binse Achomhairc Fostaíochta

Tuarascáil Bhliantúil

2014

Arna cur faoi bhráid an Aire Post, Fiontar agus Nuálaíochta faoi
Alt 39 (18) den Acht um Íocaíochtaí Iomarcaíochta 1967 go 2007



An Binse Achomhairc Fostaíochta
Employment Appeals Tribunal

Ráiteas Misin an Bhinse Achomhairc Fostaíochta

‘Chun bealach réasúnta neamhchostasach agus réasúnta neamhfhoirmiúil a chur ar fáil le breithiúnas a dhéanamh i gcás díospóidí maidir le cearta fostaíochta faoi bhailiúchán reachtaíochta a eascraíonn ó raon an Bhinse’.

An Binse Achomhairc Fostaíochta, Teach Davitt, 65A Bóthar Adelaide, Baile Átha Cliath 2
ríomhphost: eat@djei.ie; fón (01) 6313006; facs (01) 6313266
www.workplacerelations.ie

Clár Ábhar

Réamhrá an Chathaoirligh	4
Comhaltáí An Bhinse Achomhairc Fostaíochta	6
Nuacht an Bhinse 2014	7
Forbhreathnú ar shaothar an Bhinse sa bhliain 2014	
Cásanna Tarchurtha	8
Cásanna Curtha de Láimh	10
Cásanna Tarchurtha agus Curtha de Láimh sa bhliain 2014	
Na hAchtanna um Íocaíochtaí Iomarcaíochta 1967 go 2007	11
Na hAchtanna um Fhógra Íosta agus Téarmaí Fostaíochta 1973 go 2005	12
Na hAchtanna um Dhífhostú Éagórach 1977 go 2007	12
Na hAchtanna um Chosaint Fostaithe (Dócmhainneacht Fostóirí) 1984 go 2012	14
An tAcht um Eagrú Ama Oibre 1997	14
Na hAchtanna um Chosaint Mháithreachais 1994 agus 2004	15
An tAcht um Íoc Pá 1991	15
Na hAchtanna um Théarmaí Fostaíochta (Faisnéis) 1994 go 2012	15
Na hAchtanna um Shaoire do Thuismitheoirí 1998 agus 2006	16
Rialacháin na gComhphobal Eorpach (Cosaint Fostaithe ar Aistriú Gnóthas) 2003	16
Liosta na nAchtanna gan aon chás arna tharchur ná gan aon chás arna chur de láimh	16
Ionadaíocht ag Éisteachtaí	17
Gníomhaíochtaí Eile	
Próiseas athchóirithe um Chaidreamh san Ionad Oibre	19
Díscaoileadh an Bhinse	20
Atráthanna & Ateangairí	20
Inrochtaineacht	21
Achomhairc chuig Cúirteanna níos Airde	21
Cumann Eorpach na mBreithiúna Cúirte Oibreachais	21
Freastal ar Éisteachtaí an Bhinse	22
Cinntiúcháin an Bhinse	22
Cartlannú Comhad	22
Seirbhís do Chustaiméirí	23
An tAcht um Shaoráil Faisnéise 2014	23
Aguisíní	
Aguisín 1: Cásanna a Fuarthas sa bhliain 2014	24
Aguisín 2: Cásanna a Cuireadh de Láimh sa bhliain 2014	25
Aguisín 3: Stair agus Comhdhéanamh an Bhinse	26
Aguisín 4: Éisteachtaí agus Suíonna	28
Aguisín 5: Forbhreathnú ar Reachtaíocht	29
Aguisín 6: Gluais Téarmaí	35
Aguisín 7: Forais Chomhairleacha agus Faisnéise	36

Réamhrá an Chathaoirligh

A Aire, a chara,

Is cúis áthais dom an 47ú Tuarascáil Bhliantúil de chuid an Bhinse Achomhairc Fostaíochta don bhliain 2014 a chur faoi do bhráid, i gcomhréir le hAlt 39 (18) de na hAchtanna um Íocaíochtaí Iomarcaíochta 1967 go 2007.

Comhlacht neamhspleách garbhreithiúnach is ea an Binse. Pléann sé go heisiach le saincheisteanna chearta fostaíochta an duine, rud atá saineúil i measc gach comhlacht fostaíochta. Tá dlínse aige faoi roinnt codanna reachtaíochta chun dul i ngleic le saincheisteanna a éiríonn aníos i gcaitheamh na fostaíochta nó ar fhoirceannadh an chaidrimh fhostaíochta, leis an dara ceann mar an chuid is mó dá chuid saothair.

Is faoi na hAchtanna um Dhífhostú Éagórach, na hAchtanna Iomarcaíochta, na hAchtanna um Fhógra Íosta agus Téarmaí Fostaíochta agus na hAchtanna um Chosaint Fostaithe (Dócmhainneacht Fostóirí) a éistear leis na díospóidí a éiríonn as foirceannadh an chaidrimh fhostaíochta. Is go díreach leis an mBinse freisin a dhéantar gearáin i gcoinne Chinneadh an Aire Coimirce Sóisialaí i leith chearta fostaithe nuair a dearbhaíodh fostóir bheith dócmhainneach. Ar deireadh, is féidir éilimh i leith teidlíochtaí saoire arbh ann dóibh ag tráth fhoirceannadh an chaidrimh fhostaíochta a áireamh le haon éileamh, achomharc nó gearán eile a thionscnaítear os comhair an Bhinse.

Bíonn tionchar díreach ag an timpeallacht reatha gheilleagrach ar ualach oibre an Bhinse toisc gur comhlacht é a phléann den chuid is mó le cásanna foirceanta fostaíochta.

Idir i mbliana agus anuraidh agus muid ag druidim leis an gcothromaíocht a bhíodh i réim roimh an meathlú geilleagair is amhlaidh atá laghdú beagnach diomaibhseach ann le díreach sé chás níos lú á dtarchur leis an mBinse sa bhliain 2014. Tháinig méadú ar líon na gcásanna Dífhostaithe Éagóraigh á dtarchur, os coinne na gcatagóirí cásanna eile a bhfuil an chuid is mó acu ag laghdú. Tháinig méadú ar a líon ó 1,578 chuig 1,648 (70 cás ní ba mhó ná an bhliain 2013). Caithfear a thabhairt faoi deara gur suntasach é an méadú i líon na gcásanna Dífhostaithe Éagóraigh don Binse sa mhéid is gurb iad na cásanna úd, idir chinn chasta agus faoi chonspóid, a dteastaíonn an úsáid acmhainní is mó uathu. Tháinig méadú comhchosúil ar líon na gcásanna Fhógra Íosta á dtarchur chuig 817, ar mhéadú faoi 116 ar an mbliain roimhe sin é.

Chuir an Binse 4,403 cás de láimh sa bhliain 2014, ar laghdú faoi 17% é thar fhiigiúr 5,304 na bliana 2013 é. Fachtóir mór sa laghdú sin ab ea an toirt laghdaithe i líon na gcásanna Iomarcaíochta neamhchasta a d'fhéadfaí a chur de láimh gan dua. Ba laghdú cuibheasach ní ba lú é sin i gcodarsnacht leis an laghdú a tháinig sa bhliain 2013.

Is le díospóidí a tharlaíonn i gcaitheamh an chaidrimh fhostaíochta a bhaineann an líon achomarc níos mó a fhaigheann an Binse ina dhlínse achomhairc. Bíonn dédhlinse ag an mBinse faoin Acht um Dhífhostú Éagórach sa mhéid go n-éistean sé le


hachomhairc i leith mholtaí na gCoimisinéirí um Chearta faoi éilimh Dhífhostaithe chomh maith le héisteacht le cásanna Dífhostaithe Éagóraigh ag an gcéadchéim. Is gné rómhealltach de na hActanna é dédhlinse úd an Bhinse faoi na hAchtanna um Dhífhostuithe Éagóracha, trína gceadaítear an rogha do na páirtithe go n-éistfí lena gcásanna go neamhfhoirmiúil agus go príobháideach le hachomharc don Bhinse nó go n-éistfeadh an Binse leis ag an gcéadchéim i bhfóram ní b'fhoirmiúla agus ní ba phoiblí. Is í an díospóid i gcásanna Dífhosaithe Éagóraigh an ceart is tábhachtaí ag fostaithe, agus bíonn súil ag go leor acu 'an lá sa chúirt' bheith acu.

Gabhaim buíochas leis an Aire agus leis an Roinn as éascú do shaothar an Bhinse trí acmhainní a sholáthar sa bhliain 2014. Gabhaim buíochas leis na comhaltaí as ucht an chomhoibrithe, an tiomantais agus na díograise ba ghnách leo do shaothar an Bhinse. Is mian liom rún buíochais a ghabháil leis an gcomhalta an tUas. Tony Kelly, a d'éirigh as i rith na bliana 2014, as ucht a rannchuir luachmhair don Bhinse, agus guímse gach rath air amach anseo.

Gabhaim buíochas ar elith leis an Rúnaí, Frances Gaynor, Uasal, as ucht a tacaíochta agus a tiomantais leanúnaí do shaothar an Bhinse. Ba mhaith liom mo bhuíochas a ghabháil go sonrach leis na rúnaithe agus leis an bhfoireann riaracháin, a choinníonn orthu ag cothabháil ardleibhéil seirbhíse d'ainneoin acmhainní teoranta. Is mór an meas a thugtar dóibh as sin.

Déanann an Binse comhbhrón le bean chéile agus le muintir an Uasail Leachlain S Ó Catháin, nach maireann, ar chomhalta dil agus fíorthiomanta den Bhinse é, a fuair bás i rith na bliana 2014. Thug Leachlain seirbhís iontach don Bhinse ar feadh blianta fada, agus ba thrína ghairmiúlacht agus a mhóireacht leis an nGaeilge chomh maith lena chur chuige cúirtéiseach na gnéithe ba luachmhaire dá chuid mar chomhalta den Bhinse. Ar dheis Dé go raibh a anam.

Mise, le meas,



Kate T O'Mahony
Cathaoirleach

Comhaltaí an Bhinse

CATHAOIRLEACH	Jeremiah O'Connor	James O'Neill	Mary Maher
Kate T O'Mahony B.L.	Peter J O'Leary B.L.	Tadg O'Sullivan	Dominic McEvoy
LEAS-CHATHAOIRLIGH	Moya Quinlan	Neil Ormond	Jim Moore
Sinead Behan B.L.	Joe Revington S.C.	Dermot Peakín	Maire Mulcahy
Kieran Buckley	Nicholas Russell	Pat Pierce	Helen Murphy
Pamela Clancy	Tom Ryan	Peter J Pierson	Phil Ní Sheaghdha
Charles Corcoran B.L.	Jeremiah Sheedy	William Power	Owen Nulty
Eithne Coughlan (CC)	Joseph Smith (CC)	Robert D E Prole	Seamus O'Donnell
Ann-Marie Courell B.L.	Tony Taaffe	John Reid	Michael O'Reilly
Fiona Crawford B.L.	Patrick Wallace (CC)	Máire Sweeney	Ciaran Ryan
Emile Daly B.L.	PAINÉAL na bhFOSTÓIRI	Liam Tobin	Dave Thomas
Dorothy Donovan B.L.	Gerry Andrews	Declan F Winston	Paddy Trehy
Catherine Egan B.L.	Joe Browne	Jean Winters	Owen Wills
John Fahy B.L.	Michael Carr	PAINÉAL na bhFOSTAITHE	Paddy Woods
James Flanagan B.L.	Pat Casey	Frank Barry	
Veronica Gates B.L.	Frank Cunneen	Tom Brady	
Myles Gilvarry	Moss Flood	Eveta Brezina	Rúnaí leis an mBinse
Bernadette Glynn	Angela Gaule	Al Butler	Frances Gaynor, Uasal
Dara Hayes B.L.	Tom L Gill	Finbarr Dorgan	
Graham Hanlon	James Goulding	James Dorney	
Eamon Harrington	Eamon C Handley	Noel Dowling	
David Herlihy	Don Hegarty	Patsy Doyle	
Patrick Hurley	James Hennessy	John Flannery	
Elva Kearney B.L.	John Horan	John Flavin	
Margaret Levey B.L.	Ben Kealy	Tom J Gill	
James M Lucey	J J Killian	Noirin Greene	
Dermot MacCarthy S.C.	Con Lucey	Helen Henry	
Orna Madden B.L.	Gerry McAuliffe	Thomas A Hogan	
Roderick Maguire B.L.	Cyril McHugh	James Jordan	
Sean Mahon	Finbar Moloney	Hilary Kelleher	
Mary McAveety	Don Moore	Suzanne Kelly	
Jeananne McGovern B.L.	Desmond Morrison	Frank Keoghan	
Penelope McGrath B.L.	Roger F Murphy	Rosabel Kerrigan	
Sandra McNally	Michael Noone	Sean Mackell	
Fintan J Murphy (CC)	William O'Carroll	Michael McGarry	
Eamonn Murray	Tom O'Grady	Alice Moore	
Niamh O'Carroll Kelly B.L.	Aidan O'Mara	Joe Maher	

Tagraíonn¹(CC) do Chláraitheoirí Contae

² D'éirigh an tUas. Tony Kelly as & fuair an tUas. Leachlain S Ó Catháin bás sa bhliain 2014



Nuacht an Bhinse 2014

Ba iad seo leanas gnó An Bhinse Achomhairc Fostaíochta sa bhliain 2014:

Fuair sé **4,162** cás

Chuir sé de lámh **4,403** cás

Bhí **1,284** suí aige

Comparáid leis an mbliain 2013

Catagóir	2013	2014
Cásanna Tarchurtha	4,168	4,162
Cásanna Curtha de Lámh	5,304	4,403
Suíonna	1,352	1,284

Forbhreathnú ar Shaothar an Bhinse sa bhliain 2014

Cásanna Tarchurtha

2013	2014	Difríocht
4,168	4,162	-0.1%

Ba lú faoi 0.1% é líon na gcásanna a fuarthas sa bhliain 2014 le hais a bhfuarthas sa bhliain 2013.

Chonacthas laghdú freisin i líon na n-achomharc i gcoinne mholtaí na gCoimisinéirí um Chearta. B'ísle faoi 18% é an líon a fuarthas sa bhliain 2014 (695) le hais an fhiigiúir don bhliain 2013 (845) agus b'ísle faoi 49% é le hais a bhfuarthas sa bhliain 2012 (1,349). Choinnigh leibhéal na gcásanna Dhífhostú Éagórach ag méadú sa bhliain 2014 mar chéatadán de na cásanna foriomlána á dtarchur.

Ba iad na 3 chatagóir cásanna ba mhó a tarchuireadh ná

- | | |
|--|-----|
| (1) Dífhostú Éagórach (DÉ) | 40% |
| (2) Iomarcaíocht (Íl) | 22% |
| (3) Fógra Íosta & Téarmaí Fostaíochta (FÍ) | 20% |

Próifíl na gCásanna Tarchurtha

Reachtaíocht		% den lomlán tarchurtha sa bhliain 2014	2014	2013
Na hAchtanna um Íocaíodhataí Iomarcaíochta 1967-2007	Íl	22.20%	924	988
Na hAchtanna um Fhógra Íosta agus Téarmaí Fostaíochta 1973-2005	FÍ	19.63%	817	701
Na hAchtanna um Dhífhostú Éagórach 1977-2007	DÉ	39.60%	1,648	1,578
Na hAchtanna um Chosaint Fostaithe (Dócmhainneacht Fostóirí) 1984-2012	D	0.55%	23	9
An tAcht um Eagrú Ama Oibre 1997	AO	4.45%	185	190
Na hAchtanna um Chosaint Mháithreachais 1994 agus 2004	M	0.05%	2	4
An tAcht um Íoc Pá 1991	ÍP	8.26%	344	433
Na hAchtanna um Théarmaí Fostaíochta (Faisnéis) 1994-2012	TF	3.89%	162	193
Na hAchtanna um Shaoire do Thuismitheoirí 1998 agus 2006	ST	0.07%	3	0
Rialacháin na gComhphobal Eorpach	CF	0%	0	9

(Cosaint Fostaíochta) 2000				
Rialacháin na gComhphobal Eorpach (Cosaint Fostaithe ar Aistriú Gnóthas) 2003	AG	1.30%	54	63
IOMLÁN		100%	4,162	4,168

Cásanna Curtha de Láimh

2013	2014	Difríocht
5,304	4,403	17%

Tháinig laghdú ar líon na gcásanna a cuireadh de láimh ó 5,304 sa bhliain 2013 chuig 4,403 sa bhliain 2014, ar **laghdú** faoi 901 nó 17% é.

Is féidir le méadú nó laghdú i líon na gcásanna a cuireadh de láimh teacht mar thoradh ar roinnt athróg, a mbaineann an chuid is mó acu leis na cineálacha cásanna le héisteacht. Mar thoradh ar athchóiriú chun éifeachta na gcásanna ag an mBinse le roinnt blianta anuas is amhlaidh ar cásanna Dhífhostú Éagórach iad móramh na gcásanna a fhágtar lena n-éisteacht. Is féidir leis na cásanna úd bheith níos casta agus fadtréimhsí de bharr a gcineáil, rud a chiallaíonn go leithdháiltear níos mó ama do líon cásanna níos lú, óna dtagann laghdú i líon na gcásanna á gcur de láimh.

Ba iad na héilimh ar dhífhostú éagórach ag 34% an chatagóir éileamh ba mhó a cuireadh de láimh sa bhliain 2014, agus Íocaíochta Iomarcaíochta ag 24% agus Fógra Íosta ag 21% sna sála uirthi. Is macasamhail é sin do na trí chatagóir is uaisle de chásanna arna dtarchur chun an Bhinse, agus léirítear ann freisin an leibhéal méadaitheach de chásanna Dífhostaithe Éagóraigh mar chéatadán de na cásanna foriomlána ag teacht os comhair an Bhinse.

Próifíl na gCásanna Curtha de Láimh

Reachtaíocht		% den lomlán Curtha de Láimh sa bhliain 2014	2014	2013
Na hAchtanna um Íocaíodhtaí Iomarcaíochta 1967-2007	ÍI	24%	1059	1,425
Na hAchtanna um Fógra Íosta agus Téarmaí Fostaíochta 1973-2005	FÍ	21%	927	1,101
Na hAchtanna um Dhífhostú Éagórach 1977-2007	DÉ	34%	1500	1,669
Na hAchtanna um Chosaint Fostaithe (Dócmhainneacht Fostóirí) 1984-2012	D	0.2%	9	25
An tAcht um Eagrú Ama Oibre 1997	AO	7%	314	474
Na hAchtanna um Chosaint Mháithreachais 1994 agus 2004	M	0.1%	4	10

An tAcht um Íoc Pá 1991	ÍP	9.7%	428	396
Na hAchtanna um Théarmaí Fostaíochta (Faisnéis) 1994-2012	TF	4%	162	202
Na hAchtanna um Shaoire do Thuismitheoirí 1998 agus 2006	ST	0%	0	2
IOMLÁN		100%	4,403	5,304

Cásanna tarchurtha agus Curtha de Láimh sa bhliain 2014

Na hAchtanna um Íocaíochtaí Iomarcaíochta 1967 go 2007


Líon na gCásanna Tarchurtha	Ceadaithe	Dífe	Tarraingthe Siar le linn éisteachta	Tarraingthe Siar roimh éisteacht	Iomlán Curtha de Láimh
924	330	214	95	420	1,059

Don tríú bliain as a chéile, chonacthas laghdú sa bhliain 2014 i líon na gcásanna iomarcaíochta arna dtarchur - 924 sa bhliain 2014 i gcomparáid le 988 sa bhliain 2013 agus 1,239 sa bhliain 2012.

Tháinig laghdú ar líon na gcásanna a cuireadh de láimh chuig 1,059 sa bhliain 2014 ó 1,425 sa bhliain 2013.

Is de bharr na treochta síos gan staonadh i líon na gcásanna iomarcaíochta á dtarchur chun an Bhinse, agus líon méadaitheach na gcásanna úd ar casta agus faoi chonspóid iad atá sé sin amhlaidh.

Cásanna Iomarcaíochta Tarchurtha agus Curtha de Láimh idir na blianta 2007-2014



Na hAchtanna um Fhógra Íosta agus Téarmaí Fostaíochta 1973 go 2005

Líon na gCásanna Tarchurtha	Ceadaithe	Dífe	Tarraingthe Siar le linn éisteachta	Tarraingthe Siar roimh éisteacht	Iomlán Curtha de Láimh
817	249	229	88	361	927

Tháinig méadú sa bhliain 2014 ar líon na gcásanna á dtarchur faoi na hAchtanna um Fhógra Íosta agus Téarmaí Fostaíochta i gcomparáide le figiúirí na bliana 2013, 701 sa bhliain 2013 chuig 817 sa bhliain 2014, ar mhéadú faoi 16.5% é. Tháinig laghdú faoi 15.8% ar líon na gcásanna arna gcur de láimh agus comparáid á déanamh leis an tréimhse chéanna ó 1101 chuig 927.

Na hAchtanna um Dhífhostú Éagórach 1977 go 2007

Chuir an Binse 1,500 cás um Dhífhostú Éagórach de láimh i rith na bliana 2014. Is laghdú faoi 10.13% é sin thar an mbliain 2013 (1,669).

Ar an láimh eile de, tháinig méadú faoi 4% ar líon na dtarchur um Dhífhostú Éagórach le hais leibhéil na bliana 2013. B'ionann an líon iomlán arna dtarchur sa bhliain 2014 agus 1,648, i gcomparáid le 1,578 á dtarchur sa bhliain 2013. Ba é miondealú na gcásanna DÉ a fuarthas ná 87% sa chéadchéim, 11% ina n-achomharic agus 2% ina bhforfheidhmithe.

Tháinig méadú ar chéatadán na n-éileamh díreach ón mbliain 2013 i leith, ach tá céatadán na n-achomharc agus na bhforfheidhmithe tar éis laghdú don tréimhse chéanna araon.

Cásanna Iomlána Tarchurtha	Iomlán Curtha de Láimh
1,648	1,500

Dífhostú Éagórach Céadchéim

Líon Tarchurtha	Ceadaithe	Dífe	Tarraingthe Siar le linn éisteachta	Tarraingthe Siar roimh éisteacht	Iomlán Curtha de Láimh
1,437	231	274	185	566	1,256

Dífhostú Éagórach Achomhairc

Líon Tarchurtha	Seasta leo	Leagtha	Athraithe	Tarraingthe Siar	Iomlán Curtha de Láimh
173	65	43	20	82	210

Dífhostú Éagórach Forfheidhmithe

Líon Tarchurtha	Seasta leo	Leagtha	Tarraingthe Siar	Iomlán Curtha de Láimh
38	21	1	12	34

Dhámh an Binse cúiteamh ag teacht chuig €4,960,032.91 i 282 cás DÉ. B'ionann an meánchúiteamh arna dhámhachtain ag an mBinse agus €17,588.77. I dteannta leis an gcúiteamh, ordaíodh aischur i bpost i gcás amháin agus ordaíodh ath-rannpháirtíocht i gcás amháin.

Próifíl na nDámhachtainí Dífhostaithe Éagóraigh sa bhliain 2014

Dámhachtain Cúitimh €	Líon	Dámhachtain Cúitimh €	Líon
0	4	5001-6000	3
1-250	3	6001-7000	9
251-500	4	7001-8000	13
501-750	1	8001-9000	2
751-1000	4	9001-10000	25
1001-2000	13	10001-15000	44
2001-3000	12	15001-20000	34

3001-4000	10	20001-25000	25
4001-5000	20	>25001	56

Na hAchtanna um Chosaint Fostaithe (Dócmhainneacht Fostóiri) 1984 go 2012

Líon na gCásanna Tarchurtha	Dífe	Tarraingthe Siar lena Linn	Tarraingthe Siar Roimhe	Iomlán Curtha de Láimh
23	4	1	4	9

Baineann siad seo le líon achomharc i gcoinne chinneadh an Aire Coimirce Sóisialaí. D'fheicfí méaduithe leanúnacha sa limistéar seo ón mbliain 2010 i leith um líon na n-achomharc á dtarchur chun an Bhinse .i. cúig cinn sa bhliain 2010; 48 sa bhliain 2011 agus 108 sa bhliain 2012. Cé go bhfacthas laghdú i líon na gcásanna tarchurtha (síos chuig naoi-achomharc) sa bhliain 2013, tháinig méadú ar an líon arís eile sa bhliain 2014 chuig 23. Tháinig laghdú ar líon na n-achomharc a cuireadh de láimh ó 25 sa bhliain 2013 chuig naoi gcinn sa bhliain 2014, ar laghdú céatadánach faoi 64% é.

An tAcht um Eagrú Ama Oibre 1997

Líon na gCásanna Tarchurtha	Ceadaithe	Dífe	Tarraingthe Siar le linn éisteachta	Tarraingthe Siar roimh éisteacht	Iomlán Curtha de Láimh
185	37	81	79	117	314

Ní féidir cásanna faoin Acht um Eagrú Ama Oibre a thabhairt chun an Bhinse ach amháin i gcomhar le cásanna faoi Achtanna eile. Ní phléann an Binse ach amháin le cásanna saoire faoin Acht. Tháinig laghdú uair amháin eile i líon na gcásanna tarchurtha sa bhliain 2014 chuig 185 ó 190 sa bhliain 2013. Tháinig laghdú ar líon na gcásanna curtha de láimh ag an mBinse thar an tréimhse chéanna ó 474 chuig 314.

Na hAchtanna um Chosaint Mháithreachais 1994 agus 2004

Líon na gCásanna Tarchurtha	Leagtha	Tarraingthe Siar	Iomlán Curtha de Láimh
2	2	2	4

Tháinig laghdú ar líon na n-achomharc tarchurtha agus curtha de láimh faoi na hAchtanna um Chosaint Mháithreachais sa bhliain 2014 i gcomparáid leis an mbliain 2013. Tarchuireadh dhá achomharc sa bhliain 2014 i gcomparáid le 4 cinn sa bhliain 2013, agus cuireadh de láimh ceithre achomharc sa bhliain 2014 i gcomparáid le 10 gcinn sa bhliain 2013.

An tAcht um Íoc Pá 1991

Líon na gCásanna Tarchurtha	Seasta leo	Leagtha	Athraithe	Tarraingthe Siar	Iomlán Curtha de Láimh
344	119	119	14	176	428

Tháinig laghdú sa bhliain 2014 ar líon na n-achomharc tarchurtha faoin Acht um Íoc Pá chun an Bhinse ó 433 sa bhliain 2013 chuig 344 sa bhliain 2014. Tháinig méadú ar líon na n-achomharc curtha de láimh faoin Acht um Íoc Pá ag an mBinse ó 396 sa bhliain 2013 chuig 428 sa bhliain 2014.

Na hAchtanna um Théarmaí Fostaíochta (Faisnéis) 1994 go 2012

	Líon na gCásanna Tarchurtha	Seasta leo	Leagtha	Athraithe	Tarraingthe Siar	Iomlán Curtha de Láimh
Achomharc	119	47	9	7	69	132
Forfheidhmiú	43	15	0	0	15	30
Iomlán	162	62	9	7	84	162

Leanadh ar aghaidh sa bhliain 2014 leis an treocht síos i líon iomlán na n-achomharc tarchurtha sa bhliain 2014 faoin reachtaíocht seo, le 162 á dtarchur sa bhliain 2014 i gcomparáid le 193 sa bhliain 2013 agus 295 sa bhliain 2012. Tháinig laghdú beag freisin ar

lón na n-achomharc curtha de láimh faoin Acht sin ó 202 sa bhliain 2013 chuig 162 sa bhliain 2014.

Na hAchtanna um Shaoire do Thuismitheoirí 1998 agus 2006

Líon na gCásanna Tarchurtha	Líon na gCásanna Curtha de Láimh
3	0

Tarchuireadh trí achomharc chun an Bhinse faoin reachtaíocht sin sa bhliain 2014.

Rialacháin na gComhphobal Eorpach (Cosaint Fostaithe ar Aistriú Gnóthas) 2003

Líon na gCásanna Tarchurtha	Iomlán Curtha de Láimh
54	0

Fuarthas 54 Achomharc sa bhliain 2014 faoi Rialacháin na gComhphobal Eorpach (Cosaint Fostaithe ar Aistriú Gnóthas), i gcomparáid le 63 sa bhliain 2013.

Níor tarchuireadh ná níor cuireadh de láimh cás ar bith – céadchéime ná achomarc – sa bhliain 2014 faoi na hAchtanna seo a leanas:

- Na hAchtanna um Shaoire Uchtaíoch 1995 agus 2005
- An tAcht um Chosaint Daoine Óga (Fostaíochta) 1996
- An tAcht um Chosaint Daoine a Thuairiscíonn Mí-Úsáid Leanáí 1998
- Rialacháin na gComhphobal Eorpach (Cosaint Fostaíochta) 2000
- An tAcht um Shaoire Cúramóra 2001
- Na hAchtanna Iomaíochta 2002 go 2014
- Na hAchtanna um Chosaint Tomhaltóirí 2007 agus 2014
- Na hAchtanna Ceimiceán 2008 agus 2010

Ionadaíocht ag Éisteachtaí


Is féidir le páirtí i gcás teacht os comhair an Bhinse agus éisteacht phearsanta a fháil, nó is féidir leo ionadaíocht a fháil ó: abhcóide nó aturnae, ionadaí ó cheardchumann, ionadaí ó eagrais fostóirí nó, le cead an Bhinse ó dhuine ar bith eile. Níl aon cheangaltas d'ionadaíocht chun teacht os comhair an Bhinse.

Is iad seo a leanas na sonraí ionadaíochta faoi na hAchtanna éagsúla nó faoin meascán Achtanna sa bhliain 2014:


Bhí ionadaíocht ag 1,500 **fostaí** ag éisteachtaí os comhair an Bhinse sa bhliain 2014. Astu sin, bhain 467 cás le hionadaíocht ag Ceardchumann, 882 le hionadaithe dlíthiúla agus 151 ag daoine eile. Bhí ionadaíocht ag **fostóirí** i 1,035 cás sa tréimhse sin. Astu sin, bhain 588 cás le hionadaithe dlíthiúla, 363 le daoine eile agus 84 ag eagrais fostóirí.

Is inspéise gur sna cásanna dífhostaithe éagóraigh a tharla an leibhéal ionadaíochta ab airde. Bhí ionadaíocht ag 817 páirtí ab **fhostaí** sna cásanna úd sa bhliain 2014 (143 ag ceardchumann, 618 ag ionadaithe dlíthiúla agus 56 ag daoine eile) agus bhí ionadaíocht ag 712 páirtí ab **fhostóir** (63 ag eagrais fostóirí, 428 ag ionadaithe dlíthiúla agus 221 ag daoine eile).


Ionadaíocht faoi na hAchtanna go léir sa bhliain 2014



Ionadaíocht faoi na Achtanna um Dhífhostaíocht Éagórach sa bhliain 2014



Ionadaíocht faoi na hAchtanna go léir seachas DÉ sa bhliain 2014



Gníomhaíochtaí Eile

Próiseas athchóirithe um Chaidreamh san Ionad Oibre

Tá an tAire Post, Fiontar agus Nuálaíochta, Richard Bruton, T.D., tar éis clár mór athchóirithe a chur i dtoll a chéile i leith comhlachtaí chaidreamh ionaid oibre an Stáit. Seachadfar leis an athchóiriú sin córas caidreamh ionaid oibre céadscothach lena soláthrófar tairbhí nach beag dá úsáideoirí agus don tsochaí trí chéile. Beidh an t-athchóiriú mar rannchur mór le rialúchán gnó, caidrimh fostaithe agus athchóiriú seirbhíse poiblí níos fearr. Feabhsóidh sé go mór an tseirbhís d'úsáideoirí agus coigleofar airgead leis don cháiníocóir ag an am céanna.

Foilsíodh an Bille um Chaidreamh san Áit Oibre 2014 an 30 Iúil 2014, lena gcuirfear na hathchóirithe i bhfeidhm go reachtúil. Chríochnaigh an Bille an Dara Céim agus Céim an Choiste sa Dáil sa bhliain 2014, agus ghabh sé thar gach céim san Oireachtas i mí na Bealtaine 2015. Is é rún an Aire an Bille a achtachán agus tosach feidhme a thabhairt dó sa tsúil struchtúir nua chaidreamh san ionad oibre a bhunú chomh luath agus is féidir sa bhliain 2015.

Foráiltear sa Bhille do chónascadh seirbhísí an Bhinse Comhionannais, an Údaráis Náisiúnta Cearta Fostaíochta, an Choimisiúin um Chaidreamh Oibreachais agus fheidhmeanna chéadchéime an Bhinse Achomhairc Fostaíochta faoi shainchúram Choimisiún Caidreamh san Ionad Oibre nua (an CCIO). Comhshamhlófar feidhmeanna achomhairc an Bhinse le Cúirt Oibreachais athchumraithe.

Rinneadh dul chun cinn nach beag faoi dheireadh na bliana 2014 i ndáil leis na hathruithe teicneolaíochta, struchtúracha, riaracháin agus foirnithe a theastaíonn mar bhonn taca faoi gClár Athchóirithe do Chaidreamh san Ionad Oibre. Áirítear leis na hathruithe sin bunú Seirbhísí Comhroinnte do Chustaiméirí Caidreamh san Ionad Oibre, Aonad Comhroinnte Iar-Chlárúcháin agus Seirbhís Réitigh Luaith, críochnú le dearadh Réiteach Bainistíochta don Chaidreamh le Custaiméirí, aistriú an Bhinse Comhionannais chuig an Roinn, seoladh saoráide ríomhghearáin agus láithreán gréasáin do Chaidreamh san Ionad Oibre, dearadh cláir oiliúna do Bhreithneoirí, reáchtáil comórtais earcaíochta oscailte do Bhreithneoirí agus dearadh agus forfheidhmiú teicneolaíochtaí feabhsaithe agus próiseas gnó.

Díscaoileadh an Bhinse

Shaothraigh an Binse go dlúth leis an Roinn agus leis na comhlachtaí eile do Chaidreamh Ionaid Oibre i rith na bliana 2014 chun clár athchóirithe an Aire a chur ar aghaidh, arb é an príomhthionchar leis i gcás an Bhinse ná a chuid oibriúchán a thabhairt chun críche agus a dhíscaoileadh faoi dheireadh thiar. Is chuig an CCIO agus chuig an gCúirt Oibreachais faoi seach a dhéanfar gach gearán agus achomharc nua i ndáil le caidreamh san ionad oibre ach a mbeidh an Bille achtaithe agus tosach feidhme leis. Is é beartas an Aire áfach gurb é an Binse é féin a thabharfaidh gach cás atá taiscthe leis an mBinse chun críche roimh thosach feidhme na reachtaíochta úire (ar a dtugtar ‘cásanna oidhreachta’). Saothróidh an Binse tar éis tosach feidhme na reachtaíochta chun gach cás oidhreachta a thabhairt chun críche, agus leanfaidh sé i bhfeidhm dá réir ar feadh tréimhse go comhuaineach leis na struchtúir nua. Is é rún an Bhinse a chuid saothair a thabhairt chun críche chomh héifeachtúil agus is féidir sa tsúil chun a ligean dá dhíscaoileadh chun tarlú.

Atráthanna & Ateangairí

Is í aidhm an Bhinse nuair a leagtar síos cásanna le héisteacht ag an mBinse go bhfógraítear dátaí do na páirtithe cúig nó sé seachtaine roimh ré ar an meán. Ní féidir atráthanna a dheonú ach amháin i gcúinsí eisceachtúla. Má lorgaítear atráth láithreach bonn, nó laistigh de chúig lá oibre ó fháil an fhógra éisteachta agus go bhfuarthas toiliú an pháirtí eile don chás, is féidir é a dheonú ansin. Má lorgaítear atráth níos déanaí agus/nó gan toiliú an pháirtí eile, ní dócha go ndeonófar é. Bíonn roinnt iarratas ar atráthanna dosheachanta leis an gcóras leagtha síos seo, atá deartha den chuid is mó ar mhaithe le caoithiúlacht na bpáirtithe, ach iad bheith lasmuigh de smacht an Bhinse. Is éard is toradh leis na hatráthanna, a ndéantar iarratas ina leith róghar do dháta na héisteachta agus a dheonaítear, ná go gcailltear achar suite sceidealaithe don Bhinse. Bíonn tionchar diúltach ag an gcailliúint ama sin ar an gcóras leagtha síos, méadaíonn sí costais, agus tagann a thuilleadh moilleanna mar thoradh uirthi idir dáta tarchurtha éilimh agus an dáta éisteachata do gach éilitheoir.

B’ionann líon iomlán na n-iarratas ar atráth sa bhliain 2014 agus 559, ar deonaíodh 333 díobh agus ar diúltaíodh do 226 díobh. Cailleadh 84.5 lá suite dá thoradh sin. Cuirtear é sin i gcomparáid le 480 iarratas ar atráth san iomlán sa bhliain 2013, ar deonaíodh 122 díobh agus ar diúltaíodh do 358 díobh.

D’athraigh an Binse i rith na bliana 2014 an próiseas i ndáil le hiarratas a dhéanamh ar ateangaire ag éisteacht éigin. In ionad iarratas a dhéanamh os comhair rannóige suite den Bhinse roimh an dáta éisteachata, d’fhéadfaí iarratas a dhéanamh go neamhfhoirmiúil i

scríbhinn nó trí ríomhphost a sheoladh chuig an rúnaíocht. Rinneadh éagsúlacht iarratas ateangaireachta i rith na bliana 2014, lenar áiríodh cinn Pholainnise, Rúisise agus Liotuáinise.

Inrochtaineacht

Is inrochtana ina n-iomláine iad oifigí an Bhinse ag Teach Davitt i mBaile Átha Cliath agus tá ceann amháin de na seomraí feistithe le closchóras lúb. Glacfaidh an Binse, ach iarratas a fháil, gach céim is praiticiúil chun saoráidí speisialta a sholáthar do dhuine le míchumais agus/nó le héilimh speisialta eile. Iarrtar ar na páirtithe fógra a thabhairt don Bhinse roimh an éisteacht maidir lena riachtanais.

Thug an Binse freastal do thrí iarratas ar shaoráidí teanga chomharthaíochta ag éisteachtaí sa bhliain 2014 i gcomparáid le cúig cinn sa bhliain 2013.

Achomhairc chuig Cúirteanna níos Airde

Is féidir cinntiúcháin an Bhinse, faoi roinnt Achtanna, a achomharc ar phointe dlí chuig an Ard-Chúirt. Fógraíodh trí chás san Ard-Chúirt chun an Bhinse sa bhliain 2014, lenar áiríodh Athbhreithnithe Breithiúnacha agus cásanna tarchurtha ar phointe dlí, ina raibh sé mar pháirtí ainmnithe.

Is féidir cinntiúcháin leis an mBinse i gcásanna faoi na hAchtanna um Dhífhostú Éagórach a achomharc chun na Cúirte Cuarda laistigh de shé seachtaine ón dáta ar a gcuirtear na Cinntiúcháin i gcumarsáid do na páirtithe. Is is Rialacha na Cúirte Cuarda (www.courts.ie) a leagtar amach an nós imeachta d'achomharc Chinntiúcháin an Bhinse. Is sna rialacháin freisin a sholáthraítear meán don Bhinse chun bheith ar an eolas i leith tharchur agus thoradh cásanna arna n-achomharc chun na Cúirte Cuarda. Cuireadh tuairim 151 cás (idir achomhairc agus fhorghníomhuithe) ar aghaidh chun na Cúirte Cuarda ón eolas a soláthraíodh.

Cumann Eorpach na mBreithiúna Cúirte Oibreachais

Is ball de Chumann Eorpach na mBreithiúna Cúirte Oibreachais é an Binse. Is é an comhlacht é a sholáthraíonn an fóram chun tógáil ar an gcaidreamh oibre atá ann cheana féin idir comhlachtaí ceart fostaíochta na hEorpa. Forbraíonn sé tuiscint níos mó freisin ar na cearta fostaíochta reachtúla a thugtar d'oibrithe san Eoraip agus ar na córais éagsúla do sheasamh na gceart úd. Ghlac ionadaí don Bhinse rannpháirt san 18ú Comhdháil bhliantúil arna gcomhordú ag an gCumann i leith “*Judgments from the ECJ: appreciations, challenges*

and possible future development through the eyes of European judges (Breithniúcháin ón CBAE: breithmheasanna, dúshláin agus forbairt fhéideartha na todhchaí trí shúile na mbreithiúna Eorpacha” i mí an Meithimh 2014 i Liúibleána. I bhfianaise na toirte a bhaineann le dlí agus Treoracha fostaíochta an AE, is amhlaidh a chinntíonn ionadaíocht an Bhinse ag na cruinnithe úd go gcoinníonn na Comhaltaí ar an eolas i leith forbairtí sa dlí ag an leibhéal Eorpach.

Freastal ar Éisteachtaí an Bhinse

Reáchtáiltear éisteachtaí an Bhinse go poiblí, i gcomhréir leis an reacht. Is ar an láithreán gréasáin a fhoilsítear sceideal seachtainiúil éisteachtaí an Bhinse anois ag www.workplacerelations.ie. I dteannta leis na páirtithe do chás ar leith, na páirtithe úd a bhféadfadh a gcásanna bheith ar feitheamh agus ar mian leo nós imeachta na n-éisteachtaí a fheiceáil roimh ré, daoine ón bpobal ar spéis leo cearta fostaíochta, grúpaí ón earnáil dheonach (go háirithe grúpaí ó na hIonaid Faisnéise do Shaoránaigh) agus ó ghrúpaí dlí pobail; is amhlaidh a fhreastalaíonn siad go rialta ar éisteachtaí an Bhinse.

Faigheann an Binse iarratais chun freastal air ó mhic léinn tríú leibhéal agus iarchéime. Is ar reachtaíocht na gceart fostaíochta agus ar ról an Bhinse a dhírítear na hiarratais sin go ginearálta. Moltar do pháirtithe teagmháil a dhéanamh le rúnaíocht an Bhinse roimh ré chun cóiríocht a chinntiú agus chun grúpaí a éascú.

Cinntiúcháin an Bhinse

Cothabháil an Binse Clár poiblí dá Chinntí agus Cinntiúcháin, i gcomhréir leis an reacht. Bíonn an Clár ar oscailt lena imscrúdú, saor in aisce, ag duine ar bith den phobal i rith gnáthuaireanta gnó ag a oifig i dTeach Davitt, 65A Bóthar Adelaide, Baile Átha Cliath 2. Bíonn na cinntiúcháin ar fáil ar an láithreán gréasáin chomh maith.

Cartlannú Comhad

Is comhlacht sceidealaithe é an Binse Achomhairc Fostaíochta faoin Acht um Chartlann Náisiúnta 1986. Is amhlaidh go ginearálta a chaithear taifid, ar sine ná 30 bliain iad agus i seilbh na gcomhlachtaí sceidealaithe, a aistriú chuig an gCartlann Náisiúnta agus a chur ar fáil lena n-imscrúdú ag an bpobal. Tar éis imscrúdú ag oifigigh na Cartlainne Náisiúnta an 6 Aibreán 2011 is amhlaidh a thug an Chartlann Náisiúnta údarú, de bhun alt 7(3) den Acht um Chartlann Náisiúnta 1986, nach fiú na taifid dá dtagraítear sa deimhniú (.i. achomhairc faoin reachtaíocht ábhartha) a chaomhnú sna Cartlanna Náisiúnta agus thug údarú dá ndiúscairt i gcomhréir le halt 7(5) den Acht. D’ordaigh cathaoirleach an Bhinse Achomhairc

Fostaíochta gur féidir comhaid cháis a críochnaíodh 12 bliain déag ó shin nó ní ba luaithe a scriosadh go bliantúil.

Seirbhís agus Cairt do Chustaiméirí

Tá an Binse tiomanta chun seirbhís den scoth do chustaiméirí agus chun seirbhís a sheachadadh, ag féachaint do na hacmhainní infhaighte, ar éifeachtach agus éifeachtúil araon í, agus a sholáthraítear ar bhealach cúirtéiseach i gcónaí. Bíonn urraim ag an mBinse do chearta gach páirtí i gcás éigin. Is féidir cóip a fháil dár gCairt Seirbhíse do Chustaiméirí ach iarratas a dhéanamh. Fáiltítear roimh mholtaí maidir lenár seirbhís agus is féidir iad a sheoladh chuig An Binse Achomhairc Fostaíochta, Teach Davitt, 65A Bóthar Adelaide, Baile Átha Cliath 2, trí ríomhphost chuig: eat@djei.ie, trí fhón ag (01) 6313006 nó trí fhacs ag (01) 6313266.

Tá tuairisc ar na seirbhísí a sholáthraíonn an Binse agus faoin gcaoi chun iad a fháil, foilseacháin ábhartha agus ceistanna coitianta ar fáil go léir ar an láithreán gréasáin. Tá leabhrán eolais ***Treoirínte d'Fhostaithe, Fostóirí agus Cleachtóirí a thagann os comhair an Bhinse Achomhairc Fostaíochta*** ar fáil ar an láithreán gréasáin freisin.

An tAcht um Shaoráil Faisnéise 2014

Táthar tar éis an tAcht um Shaoráil Faisnéise 2014, a shínigh an tUachtarán Dé Máirt, 14 Deireadh Fómhair 2014, a shíneadh chun gach comhlacht poiblí a chlúdach lena n-áirítear an Binse Achomhairc Fostaíochta. Sloinntear in Alt 1(3)(b) den Acht go dtiocfaidh sé i bhfeidhm *'i ndáil le haon chomhlacht nó le duine eile, nach raibh ina chomhlacht poiblí go díreach roimh an achtachán de réir bhrí Acht na bliana 1997, ach ar comhlacht poiblí é de réir bhrí an Achta seo, 6 mhí ón achtachán nó ar lá éigin níos déanaí, nach déanaí ná 12 mí ón achtachán, agus a fhéadann an tAire a cheapadh trí ordú.'* Níor clúdaíodh an Binse Achomhairc Fostaíochta faoin Acht sa bhliain 1997; is amhlaidh dá réir a fheidhmítear an tAcht um Shaoráil Faisnéise 2014 don Bhinse ó 14 Aibreán 2015. Is féidir aon iarratas faoin reachtaíocht um Shaoráil Faisnéise a dhéanamh ó 14 Aibreán 2015 i scríbhinn nó trí ríomhphost go díreach chuig an mBinse.

Aguisín 1: Cásanna a Fuarthas sa bhliain 2014

	Céadchéim	Achomhairc		Forfheidhmiú	Iomlán
		Ag Fostaithe	Ag Fostóirí		
Iomarcaíocht	924	0	0	0	924
Fógra Íosta agus Téarmaí Fostaíochta	817	0	0	0	817
Dífhostú Éagórach	1,437	110	63	38	1,648
Cosaint Fostaithe (Dócmhainneacht Fostóirí)	23	0	0	0	23
Eagrú an Ama Oibre	185	0	0	0	185
Cosaint an Mháithreachais	0	2	0	0	2
Íoc Pá	0	223	121	0	344
Téarmaí Fostaíochta (Faisnéis)	0	67	52	43	162
Saoire Thuismitheoireachta	0	2	1	0	3
Comhphobail Eorpacha (Aistriú Gnóthas)	0	41	13	0	54
IOMLÁN	3,386	445	250	81	4,162

Aguisín 2: Cásanna a Cuireadh de Láimh sa bhliain 2014

Chuir an Binse 4,403 cás de láimh sa bhliain 2014, ar laghdú faoi 17% é thar líon na gcásanna curtha de láimh sa bhliain 2013. Léiríonn an líon cásanna curtha de láimh na cineálacha cásanna a bhfuil an Binse á bpróiseáil i láthair na huaire

Céadchhéim

	Ceadaithe	Dífe	Tarraingthe Siar le linn éisteachta	Tarraingthe Siar roimh éisteacht	Iomlán
Iomarcaíocht	330	214	95	420	1,059
Fógra Íosta agus Téarmaí Fostaíochta	249	229	88	361	927
Dífhostú Éagórach	231	274	185	566	1,256
Cosaint Fostaithe (Dócmhainneacht Fostóirí)	0	4	1	4	9
Eagrú an Ama Oibre	37	81	79	117	314
IOMLÁN	847	802	448	1,468	3,565

Achomhairc

	Seasta leo	Leagtha	Athraithe	Tarraingthe Siar	Iomlán
Dífhostú Éagórach	65	43	20	82	210
Cosaint an Mháithreachais	0	2	0	2	4
Íoc Pá	119	119	14	176	428
Téarmaí Fostaíochta (Faisnéis)	47	9	7	69	132
IOMLÁN	231	173	41	329	774

Miondealú ar Achomhairc bunaithe ar chásanna arna dtionscnamh ag Fostaithe nó Fostóirí

	Seasta leo	Leagtha	Athraithe	Tarraingthe Siar	Iomlán
Fostaithe	146	46	17	133	342
Fostóirí	85	127	24	196	432
IOMLÁN	231	173	41	329	774

Forfheidhmithe

	Seasta leo	Leagtha	Athraithe	Tarraingthe Siar	Iomlán
Dífhostú Éagórach	21	1	0	12	34
Téarmaí Fostaíochta (Faisnéis)	15	0	0	15	30
IOMLÁN	36	1	0	27	64

Aguisín 3: Stair agus Comhdhéanamh an Bhinse

Achtaíodh an tAcht um Íocaíochtaí Iomarcaíochta 1967 an 18 Nollaig 1967, lenar bunaíodh an Binse Achomharc Iomarcaíochta. Measadh cruthú an Bhinse ina ghluaiseacht nuálaíoch ag an Stát i limistéar chearta na fostaíochta. Bunaíodh é chun a chinntiú gur tugadh feidhm chomh maith le cosaint iomlán an dlí do theidlíocht reachtúil an oibrí ar iomarcaíocht. Bunaíodh fóram de réir an Achta a bhféadfadh an ‘gnáthdhuine’ cás a tharchur chuige chun na cearta sin a sheasamh. Cé is moite dá fhreagracht leanúnach as achomhairc a éisteacht faoi na hAchtanna um Íocaíochtaí Iomarcaíochta, is amhlaidh an lá inniu ann faoina theideal leasaithe a phléann an Binse Achomhairc Fostaíochta anois le cásanna faoi ocht mír reachtaíochta dhéag. Cuimsíonn siad sin idir chásanna do Dhífhostú Éagórach agus Fhógra Íosta, chomh maith le hachomhairc a éisteacht ó chinntí agus moltaí na Seirbhíse Choimisinéirí um Chearta de chuid an Choimisiúin um Chaidreamh Oibreachais.

Tharla an cruinniú tionscnaimh den Bhinse Achomhairc Iomarcaíochta an 22 Márta 1968, faoi choimirce agus faoi chosaint na gcéad seisear Comhaltaí déag a cheapadh don Bhinse. Ba é an chéad Chathaoirleach, An tUas. John Gleeson, a bhí i gceannas an Bhinse. D'éist sé lena chéad achomharc an 18 Aibreán 1968. Shuigh an Binse ar 75 lá agus d'éist sé le 133 achomharc san iomlán idir an dáta úd agus 31 Nollaig 1968. Ba i mBaile Átha Cliath a éisteadh le 83 de na hachomhairc úd, agus éisteadh leisfuilleach na 50 achomharc ag roinnt ionad éagsúil ar fud na tíre. Ba léir ón tús go mbeadh gné ar fud na tíre do shaothar an Bhinse, agus go mbeadh gné náisiúnta aige dá réir. Coinníonn an Binse Achomhairc Fostaíochta air an lá inniu ann leis an saothar a tosaíodh os cionn 40 bliain ó shin. Go deimhin féin, is amhlaidh atá 121 comhalta den Bhinse ann sa bhliain 2014, in ionad a bhoinn luaith de 16 comhalta.

➤ **Comhdhéanamh an Bhinse don bhliain 2014**

Ag tús na bliana 2014 ab amhlaidh ar Cathaoirleach, 48 Leas-Chathaoirleach agus painéal 76 comhalta eile a bhí sa Bhinse, arna n-ainmniú ag Comhdháil na gCeardchumann agus ag eagrais ionadaíoch na bhfostóirí. D'éirigh comhalta amháin as agus fuair comhalta amháin bás le linn na bliana 2014.

Feidhmíonn an Binse ina rannóga, le cathaoirleach nó leas-chathaoirleach agus beirt chomhaltaí eile ar gach aon cheann acu, comhalta amháin ó thaobh fostóirí an phainéil agus comhalta amháin ó thaobh na gceardchumann. Bíonn gach cumhacht an chathaoirligh ag leas-chathaoirleach an Bhinse, nuair a fheidhmíonn siad mar chathaoirleach (ach iarratas a

fháil ón Aire nó ón gcathaoirleach). Éistear leis na hachomhairc go poiblí mura gcinneann an Bhinse, ach iarratas a fháil ó cheachtar páirtí agus i gcleachtadh a rogha, go n-éistear an éisteacht go príobháideach.

➤ **An Rúnaíocht**

Is í an Rúnaíocht atá freagrach as riaradh na gcásanna tarchurtha chun an Bhinse faoi reachtaíocht um chearta fostaíochta éagsúla. Is é an ról atá aige tacaíocht riaracháin a sholáthar don Bhinse. Is iad na Státseirbhísigh, arna sannadh ag An Roinn Post, Fiontar agus Nuálaíochta, atá mar fhoireann Rúnaíocht an Bhinse. Is í Frances Gaynor, Uasal, Rúnaí an Bhinse.

Aguisín 4: Éisteachtaí agus Suíonna

Chuaigh an fás gan mhacasamhail i dtarchur na gcásanna ón mbliain 2008 i leith i bhfeidhm go mór ar an tréimhse feithimh d'éisteacht leis an mBinse. Tá an mheántréimhse feithimh tar éis laghdú freisin áfach in éineacht leis an moilliú i ráta tharchur na gcásanna ón mbliain 2013 i leith. B'ionann an mheántréimhse feithimh náisiúnta sa bhliain 2014 agus 68 seachtain, anuas ó 77 seachtain i rith na bliana 2013.

Ní nochtar an scéal ina iomláine leis an tréimhse feithimh amháin áfach. Cé go reáchtálann an BAF éisteachtaí i dtimpeall 27 ionad ar fud an Stáit, féadann an Binse fanacht mar ar cuibheasach beag é líon na gcásanna nó go mbíonn líon leordhóthanach cásanna ar lámh sular féidir éisteachtaí a liostú in ionaid áirithe, ionas go n-uasmhéadófar an luach ar airgead i ndáil le costais na n-éisteachtaí lasmuigh de Cheann-Oifig an Bhinse. Is féidir cúig lá éisteachtaí san aon ionad amháin an t-achar feithimh a laghdú go mór sa limistéar lena mbaineann ach a dtagann tariseach chriticiúil éisteachtaí le chéile. Téann an líon iarratas atrátha nó curtha siar a fhaigheann an Binse ó cheachtar páirtí d'éisteacht éigin i bhfeidhm ar an achar feithimh freisin.

Shuigh an Binse ar 239 lá sa bhliain 2014, agus reáchtáladh éisteachtaí ag 27 ionad éagsúla ar fud na tíre chun bheith oiriúnach d'achomharcóirí agus do chosantóirí.

Bhain éagsúlacht le líon na rannóg ag suí in aghaidh an lae, agus 7-8 mar an meánlíon rannóg ag suí in aghaidh an lae. Leagtar amach sna táblaí seo a leanas na hionaid de réir Chúige:

Laighin	Mumhain	Connachta	Ulaidh
Ceatharlach	Cluain Meala	Cora Droma Rúisc	An Cabhán
Baile Átha Cliath	Corcaigh	Caisleán an Bharraigh	Dún na nGall
Cill Chainnigh	Dún Garbháin	Gaillimh	Leitir Ceanainn
An Longfort	Inis	Ros Comáin	Muineachán
An Muileann gCearr	Cill Árne	Sligeach	
Port Laoise	Luimneach		
Baile Átha Troim	An tAonach		
Tulach Mhór	Durlas		
Loch Garman	Port Láirge		

Aguisín 5: Forbhreathnú ar Reachtaíocht

Is comhlacht reachtúil é an Binse Achomhairc Fostaíochta arna bhunú chun dul i ngleic le díospóidí fostaíochta agus chun iad a bhreithniú faoi na reachtanna seo a leanas: *(Is mar threoir amháin a cheaptar an t-eolas a thugtar thíos agus ní ceart a mheas gur míniú dlíthiúil uirthi é.)*

Na hAchtanna um Íocaíochtaí Iomarcaíochta 1967 go 2007

Faoin Acht um Íocaíochtaí Iomarcaíochta 2003 bíonn fostaí i dteideal íocaíocht iomarcaíochta reachtúil dhá sheachtain a fháil i leith gach bliain seirbhíse in éineacht le seachtain bhónais. Ba chásanna le fostaíthe i gcomhair íocaíochtaí iomarcaíochta iad móramh na gcásanna a chuir an Binse de lámh faoi na hAchtanna sin, ar na forais gur dífhostaíodh iad trí mheán na hiomarcaíochta. Baineann limistéir dhíospóide eile le ceistanna faoi oiriúnacht na fostaíochta malartaí a tairgeadh; faoi chuideachtaí chomhbhainteacha; faoi athrú úinéireachta i gceird nó gnólacht éigin; faoi leanúnachas na fostaíochta; faoi leagan as agus gearr-am; faoi ríomh mhéid na gcnapshuimeanna agus gnáthluach saothair sheachtainiúil.

Na hAchtanna um Fhógra Íosta agus Téarmaí Fostaíochta 1973 go 2005

Leasaíodh na hAchtanna um Chosaint Fostaithe (Dócmhainneacht Fostóirí) 1984 agus 2001 sa bhliain 2003 chun a ligean do chásanna i gcomhair teidlíochtaí fógra reachtúil, mar ar dócmhainneach é an fostóir, lena dtabhairt go díreach d'Aonad Íocaíochtaí Dócmhainneachta de chuid na Roinne Coimirce Sóisialaí dá n-íoc ón gCiste Árachais Shóisialaigh, gan dul ar iontaoibh an Bhinse. Síntear forálacha an Fhógra Íosta agus na dTéarmaí Fostaíochta do státseirbhísigh amhail an 4 Iúil 2006 le hAcht Rialaithe na Státseirbhíse (Leasú) 2005.

Na hAchtanna um Dhífhostú Éagórach 1977 go 2007

B'fhorbairt mhór i ndlí fostaíochta na hÉireann í an tAcht um Dhífhostú Éagórach 1977. Is ann a sholáthraítear réitigh d'fhostaithe a bhreithníonn an Binse gur dífhostaíodh go héagórach óna gcuid fostaíochta iad. Is iad na réitigh faoin Acht: aischur i bpost, ath-rannpháirtíocht nó cúiteamh suas le huasmhéid 104 seachtain luacha saothair. Is féidir cásanna i gcomhair dífhostaithe éagóraigh a thionscnamh leis an mBinse nó le Coimisinéir um Chearta. Ní féidir cás faoin Acht seo a thabhairt os comhair an Bhinse ach amháin má tá agóid ag ceann amháin de na páirtithe i bhfoirm scríbhinne do Choimisinéir um Chearta a éistean leis an éileamh.

Bíonn feidhm ag na hAchtanna um Dhífhostú Éagórach anois le beagnach gach aon fhostaí stáit lena n-áirítear an chuid is mó de na státseirbhísigh. Baineadh an t-eisiamh don chuid is mó d'fhostaithe stáit ó na hAchtanna le hAcht Rialaithe na Státseirbhíse (Leasú) 2005 agus d'éirigh na hailt ábhartha i bhfeidhm an 4 Iúil 2006.

Mar a dtionscnaítear cás i leith dífhosaithe éagóraigh le Coimisinéir um Chearta, is féidir le ceachtar de na páirtithe achomharc a thabhairt i gcoinne Mholadh an Choimisinéara um Chearta os comhair an Bhinse laistigh de sé seachtaine ón dáta ar cuireadh an Moladh i gcumarsáid leis na páirtithe lena mbaineann.

Na hAchtanna um Chosaint Fostaithe (Dócmhainneacht Fostóirí) 1984 go 2012

Tugtar cosaint nach beag do theidlíochtaí airgeadais na bhfostaithe a chailleann a gcuid post mar thoradh ar dhócmhainneacht a bhfostóirí faoin Acht 1984 arna leasú. Is mar ghearáin i gcoinne Chinntí an Aire Coimirce Sóisialaí a thógtar cásanna faoin Acht arna leasú, ar cinntí iad chun diúltú d'éileamh go léir nó do chuid de i gcomhair íocaíochta i ndáil le riaráistí pá, riaráistí pá breoiteachta, riaráistí pá saoire nó i gcomhair íocaíochta ranníocaíochtaí neamhíochta le scéimeanna pinsin cheirde. Mar a mbítear in amhras ar incheadaithe nó nár incheadaithe cás éigin, is féidir leis an Aire an cás a tharchur don Bhinse i gcomhair Cinnidh. Is ón gCiste Árachais Shóisialaigh a íoctar na héilimh úd.

Chuir Rialacháin na gComhphobal Eorpach (Cosaint Fostaithe (Dócmhainneacht Fostóirí)) 2005, I.R. Uimh. 630 de 2005 síneadh leis an Scéim Íocaíochtaí Dócmhainneachta chun gach dámhachtain arna tabhairt ag an mBinse a áireamh léi³. Síntear clúdach leis an ionstraim reachtúil sin freisin d'fhostaithe a fhostaítear in Éirinn le fostóir a d'éirigh dócmhainneach faoi dhlíthe, rialacháin agus nósanna imeachta riaracháin bhallstáit éigin eile.

An tAcht um Eagrú Ama Oibre 1997

Foráiltear in Alt 39 den Acht um Eagrú an Ama Oibre do réiteach na ndeacrachtaí a mbaintear le forghníomhú Chinntí an Bhinse Achomhairc Fostaíochta agus chomhlachtaí sonraithe eile faoin reachtaíocht arna riaradh leis, mar a leagtar amach mionsonraí i ndáil le fostóir go mícheart i gCinneadh an Bhinse. Ligtear d'fhostaí faoi Alt 39, sa chás go n-aithnítear fostóir go mícheart gan chuimhneamh os comhair an Bhinse, chun iarratas a dhéanamh ar chead chun imeachtaí a thionscnamh i gcoinne an fhostóra mholta, d'ainneoin go bhféadfadh an tráthlíne do thionscnamh na gcásanna dá leithéid tar éis bheith dul in éag.

³ Is ón gCiste Árachais Shóisialaigh a íoctar dámhachtainí ag an mBinse faoi na hAchtanna um Íocaíochtaí Iomarcaíochta.

Ligtear d'fhostaí nó dá c(h)eardchumann faoi Alt 40 chun gearán saoire a áireamh le haon nósanna imeachta arna dtabhairt chun an Bhinse i ndáil le haon reachtaíocht a thagann faoina dhlínse.

Na hAchtanna um Chosaint Mháithreachais 1994 agus 2004

Caithfear díospóidí maidir le teidlíochtaí faoin Acht a thabhairt do Choimisinéir um Chearta sa chéadchéim, agus don Bhinse ansin trí mheán achomhairc i gcoinne Mholadh an Choimisinéara um Chearta.

An tAcht um Íoc Pá 1991

Bunaítear leis an Acht réimse ceart d'fhostaithe i ndáil le híoc a gcuid pá: ceart chun modh na híocaíochta pá a idirbheartú, ceart ar ráiteas pá agus asbhaintí i bhfoirm scríbhinne, agus cosaint i gcoinne asbhaintí neamhdhleathacha ón bpá. Ceadaítear d'achomharc faoin Acht le tabhairt chun an Bhinse i gcoinne Chinneadh Coimisinéara um Chearta i leith gearán i ndáil le hasbhaint neamhdhleathach ón bpá.

Na hAchtanna um Théarmaí Fostaíochta (Faisnéis) 1994 go 2012

Is éard is príomhchuspóir leis an Acht ceangaltas a chur ar fhostóirí ráiteas scríofa a sholáthar d'fhostaithe ina leagtar amach sonraí áirithe i leith théarmaí fostaíochta na bhfostaithe.

Is os comhair Coimisinéara um Chearta a chaithfear díospód faoin Acht a thabhairt an chéad uair. Is féidir í a thabhairt os comhair an Bhinse ansin trí mheán achomhairc i gcoinne Mholadh an Choimisinéara um Chearta sa chás.

Na hAchtanna um Shaoire Uchtaíoch 1995 agus 2005

Is éard is cuspóir leis an Acht teidlíocht a thabhairt d'fhostaithe bainearna, agus d'fhostaithe fireanna in imthosca faoi leith, chun saoire a ghlacadh ón bhfostaíocht chun críche uchtú linbh. Is os comhair Coimisinéara um Chearta a chaithfear díospód faoin Acht a thabhairt an chéad uair. Is féidir í a achomharc ansin os comhair an Bhinse trí mheán achomhairc i gcoinne Mholadh an Choimisinéara um Chearta sa chás.

An tAcht um Chosaint Daoine Óga (Fostaíochta) 1996

Foráiltear leis an Acht seo, go bhféadann tuismitheoir nó caomhnóir linbh nó duine óig gearán a thabhairt do Choimisinéir um Chearta gur sháraigh fostóir éigin alt 13 (caomhnú na rátaí pá agus na gcoinníollacha reatha) nó alt 17 (diúltú chun comhoibriú leis an bhfostóir agus an tAcht á shárú). Féadann fostóir nó fostaí achomharc a thabhairt chun an Bhinse ó Mholadh de chuid Coimisinéara um Chearta.

Na hAchtanna um Shaoire do Thuismitheoirí 1998 agus 2006

Tháinig an tAcht um Shaoire do Thuismitheoirí 1998 i bhfeidhm an 3 Nollaig 1998. Foráiltear san Acht do theidlíocht i gcomhair fear agus ban chun saoire neamhíoctha a fháil ón bhfostaíocht le cur ar a gcumas aire a thabhairt dá leanbh óg, agus do shaoire íoctha theoranta (saoire *force majeure*) le cur ar chumas fostaithe chun dul i ngleic le héigeandálaí teaghlaigh a éiríonn as gortú nó tinneas ag daoine muinteartha sonracha leo.

Bíonn fostaithe agus fostóirí i dteideal díospóid i ndáil le teidlíocht faoin Acht a tharchur chun Coimisinéara um Chearta. Caithfear tagairt a dhéanamh i scríbhinn don Choimisinéir um Chearta i ndáil le díospóid faoin Acht laistigh de 6 mhí ó tharla an díospóid. Is faoi fhorálacha na nAchtanna um Dhífhostú Éagórach 1977 go 2007 a phléitear le díospóidí i ndáil le dífhostú fostaí áfach.

An tAcht um Chosaint Daoine a Thuairiscíonn Mí-Úsáid Leanaí 1998

Is éard is cuspóir leis an Acht seo cosaint a thabhairt ó phionósú ag a bhfostóirí ar dhaoine a thuairiscíonn mí-úsáid leanaí “go réasúnta agus de mheon maith” le hoifigigh ainmnithe de chuid na mbord sláinte nó le haon Gharda Síochána. Is trí mheán gearáin chun Coimisinéara um Chearta é an bealach sásaimh do dhuine mar sin. Tá foráil ann d’achomharc ón gCoimisinéir um Chearta le ceachtar de na páirtithe, chun an Bhinse Achomhairc Fostaíochta. Tháinig an tAcht i bhfeidhm an 23 Eanáir 1999.

Rialacháin na gComhphobal Eorpach (Cosaint Fostaíochta) 2000

Leasaítear leis na Rialacháin seo an tAcht um Chaomhnú Fostaíochta 1977, chun foráil d’ionadaíocht d’fhostaithe, agus do chomhairliúchán leo in éagmais ceardchumainn, cumainn fhoirne nó comhlachta eiscthe; chun foráil do cheart chun gearáin a thabhairt chuig Coimisinéir um Chearta mar a sáraíonn fostóir alt 9 nó 10 (eolas d’fhostaithe agus comhairliúchán leo) agus chun foráil do mhéaduithe i leibhéal na bhfíneálacha i leith cionta.

Tá foráil ann d’achomharc a thabhairt i gcoinne Chinneadh an Choimisinéara um Chearta chun an Bhinse laistigh de sé seachtaine ón dáta ar cuireadh an Cinneadh i gcumarsáid leis na páirtithe. Sa chás nár cuireadh i bhfeidhm Chinneadh an Choimisinéara um Chearta is féidir cás a tharchur chun an Bhinse tar éis na tréimhse sé seachtaine.

An tAcht um Shaoire Cúramóra 2001

Foráiltear san Acht seo do theidlíochta ag fostaithe chun saoire cúramóra neamhíoctha a fháil óna bhfostaíochta, le cur ar a gcumas cúram pearsanta a thabhairt do dhaoine le deimhniú ón

Roinn Coimirce Sóisialaí go dteastaíonn cúram agus aire lánaimseartha uathu. Is féidir achomharc a thabhairt i gcoinne Chinneadh an Choimisinéara um Chearta chun an Bhinse laistigh de 4 seachtaine ón dáta ar cuireadh an Cinneadh i gcumarsáid leis na páirtithe. Is féidir an teorainn ama sin a shíneadh ar feadh tréimhse breise, nach sáraíonn sé seachtaine, má mheasann an Binse é sin bheith réasúnta, ag féachaint do na himthosca go léir.

Na hAchtanna Iomaíochta 2002 go 2014

Comhdhlúthaíodh an reachtaíocht reatha iomaíochta agus cumasc leis na hAchtanna Iomaíochta 2002-2014. Foráiltear le hAlt 50 (3) den Acht cosaint d'fhostaí, ó phionósú ag an bhfostóir, mar a mbíonn an fostaí ag feidhmiú go réasúnta agus de mheon maith, agus iad ag tuairisciú sárú an Achta. Leagtar amach i Sceideal 3 den Acht bealach sásaimh, ar trí ghearán leis an gCoimisinéir um Chearta é, agus is chun an Bhinse Achomhairc Fostaíochta a luíonn achomharc.

Rialacháin na gComhphobal Eorpach (Cosaint Fostaithe ar Aistriú Gnóthas) 2003

Tháinig siad seo i bhfeidhm an 11 Aibreán 2003. Cúlgaítear leo agus tagann siad in ionad Rialacháin na gComhphobal Eorpach (Cosaint Chearta Fostaithe ar Aistriú Gnóthas) 1980, agus Rialacháin na gComhphobal Eorpach (Cosaint Chearta Fostaithe ar Aistriú Gnóthas)(Leasú) 2000. Foráiltear leo d'ionadaíocht d'fhostaithe, agus do chomhairliúchán leo in éagmais ceardchumainn, cumainn fhoirne nó comhlachta eiscthe. Tugtar ceart leo freisin chun gearáin a thabhairt chuig Coimisinéir um Chearta mar a sáraíonn fostóir Rialachán 8 (an fhoráil eolais agus comhairliúcháin) agus chun foráil do mhéaduithe i leibhéil na bhfíneálacha i leith cionta.

Tá foráil ann d'achomharc a thabhairt i gcoinne Chinneadh an Choimisinéara um Chearta chun an Bhinse laistigh de sé seachtaine ón dáta ar cuireadh an Cinneadh i gcumarsáid leis na páirtithe. Sa chás nár cuireadh i bhfeidhm cinneadh an Choimisinéara um Chearta ná cinntiúchán an Bhinse, is féidir éileamh ar fhorfheidhmiú a dhéanamh tar éis tréimhse sé seachtaine chun na Cúirte Cuarda.

Na hAchtanna um Chosaint Tomhaltóirí 2007 agus 2014

Foráiltear in alt 87 den Acht seo do chosaint fostaithe ó phionósú as sárúithe den Acht a thuairisciú.

Na hAchtanna Ceimiceán 2008 agus 2010

Foráiltear le hAlt 26 den Acht seo do chosaint fostaithe ó phionósú as sáruithe den Acht a thuairisciú.

Aguisín 6: Gluais Téarmaí

Éilitheoir	an té a thugann an cás.
Cosantóir	an té nó an chuideachta a dtugtar an cás ina gcoinne.
Achomharcóir	an té nó an chuideachta a thugann achomharc i gcoinne cinnidh.
Rannóg	feidhmíonn an Binse ina rannóga, le cathaoirleach nó leas-chathaoirleach agus beirt chomhaltaí eile ar gach aon cheann acu, comhaltaí amháin ó thaobh fostóirí an phainéil agus comhalta amháin ó thaobh na gceardchumann; bíonn gach cumhacht den chathaoirleach ag leas-chathaoirleach den Bhinse, nuair a fheidhmíonn siad mar chathaoirleach (ar iarratas an Aire nó an chathaoirligh).
Tarraingthe Siar	ní féidir iarratas a tharraingt siar ach amháin ag an éilitheoir nó ag ionadaí an éilitheora.
Socrú	comhaontú arna shroicheadh ag na páirtithe; is féidir leis sin tarlú roimh an éisteacht nó ag tráth ar bith i rith na héisteachta; ní eiseofar cinntiúchán sa chás seo.
Saoirse chun athiontrála	sa chás tar éis do na páirtithe teacht ar chomhaontú, go dtarraingítear siar an t-éileamh nó an t-achomharc, agus tugann rannóg teorainn ama dhocht chun an t-éileamh nó an t-achomharc a athiontráil.
Curtha de Láimh	cásanna a tharraingítear siar roimh éisteacht, a tharraingítear siar le linn éisteachta nó ar a n-eisítear cinntiúchán.
Ionadaíocht	féadann páirtí teacht os comhair an Bhinse gan ionadaíocht, nó le hionadaíocht ó abhcóide nó ó atur nae, nó le hionadaí ó cheardchumann nó ó eagras fostóirí nó le cead an Bhinse ó dhuine ar bith eile.
Cinntiúchán	is ionann cinntiúchán agus cinneadh an Bhinse arna dtaifeadadh i gcáipéis shínithe ag an gcathaoirleach agus shéalaithe le séala an Bhinse.
Clár	cuirtear cinntiúcháin an Bhinse i gclár, a bhíonn ar oscailt lena imscrúdú ag duine ar bith gan mhúirear i rith gnáthuaireanta ag oifigí rúnaíocht an Bhinse.

Níl an Ghluais seo de na téarmaí níos coitianta as a mbaintear leas i ndáil leis na himeachtaí os comhair an Bhinse ná níl sí ceaptha bheith ina gluaise iomlán. Is í an treoir don 'ghnáthdhuine' í i leith na dtéarmaí is coitianta úd, agus tá sí ceaptha chun cúnamh le tuiscint na téarmeolaíochta.

Aguisín 7: Forais Chomhairleacha agus Faisnéise

An Roinn Post, Fiontar agus Nuálaíochta

23 Sráid Chill Dara
Baile Átha Cliath 2

Fón: +353 1 6312121 nó LóGhlao
1890220222*

www.djei.ie

Na Coimisinéirí um Chearta

Teach Tom Johnson

Bóthar Haddington, Baile Átha Cliath 4, Éire

Fón: (01) 613 6700

LóGhlao: 1890 220 227 (lasmuigh de
limistéar (01))*

www.workplacerelations.ie

An Chúirt Oibreachais

Teach Tom Johnson

Bóthar Haddington

Baile Átha Cliath 4

Fón: 01 6136666

www.workplacerelations.ie

An Binse Comhionannais

Teach Davitt

65A Bóthar Adelaide

Baile Átha Cliath 2

Fón: 01-6136800

Ríomhphost:info@equalitytribunal.ie

www.workplacerelations.ie

An tSeirbhís Chustaiméirí do Chaidreamh san Ionad Oibre

Foirgnimh an Rialtais

Bóthar Uí Bhriain,

Ceatharlach

Fón: +353 59 9178990 nó LóGhlao
1890808090*

www.workplacerelations.ie

An tSeirbhís Chúirteanna

15-24 Sráid an Fhionnuisce Thuaidh

Margadh na Feirme

Baile Átha Cliath 7

Fón: + 353 1 888 6000

www.courts.ie

An tÚdarás Náisiúnta Cearta Fostaíochta

Foirgnimh an Rialtais

Bóthar Uí Bhriain

Ceatharlach

Fón: +353 59 9178990 nó LóGhlao
1890808090*

www.workplacerelations.ie

An Oifig um Chlárú Cuideachtaí

Teach Parnell

14 Cearnóg Parnell

Baile Átha Cliath 1

Fón: +353 1 8045200

www.cro.ie

An Rannóg Iomarcaíocht

An Roinn Coimirce Sóisialaí

Bloc C

Ionad Phort an Iarla

Sráid Haiste Íochtarach

Baile Átha Cliath 2

Fón: 1890 800 699

www.welfare.ie

An Rannóg Dócmhainneachta

An Roinn Coimirce Sóisialaí

Bloc C

Ionad Phort an Iarla

Sráid Haiste Íochtarach

Baile Átha Cliath 2

Fón: 1890 800 699*

www.welfare.ie

Faisnéis do Shaoránaigh

Fón: +353 12 452 1600 nó LóGhlao 1890
777 121* nó +353 21 452 1600

Ceadaigh www.citizensinformation.ie chun
teacht ar an ionad eolais is gaire duit

Na Coimisinéirí Ioncaim

Ceadaigh www.revenue.ie chun teacht ar
oifig na gcoimisinéirí ioncaim is gaire duit

*Tabhair faoi deara go bhféadann na rátaí a ghearrtar d'úsáid na n-uimhreacha 1890 (LóGhlao) bheith éagsúil ó sholáthraí seirbhíse amháin dá chéile